



**FONO AOA O FAITULAFONO.
LEGISLATIVE ASSEMBLY OF SAMOA.**

**LIPOTI A LE KOMITI O OLOA
GAOSIA TULAGA MUAMUA,
MATAUPU TAU PISINISI,
ALAMANUIA MA LEIPA**

I LE

**TULAFONO TAU FAAOFI O
FAATULAGAGA FAALETULAFONO O
FUA O LE MAMAFI MA FUA ESEESE
O OLOA 2014**

(Tuuina atu i le Fono Aoa o Faitulafono)

1. FAUTUAGA:-

E fautuaina e le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa le Fono Aoao ina ia faautagia lana Lipoti.

2 FAATOMUAGA:-

O le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa ua faavaeina i lalo o le Tulafono Tumau 174 ma e aofia ai:-

SUI USUFONO**Filifilia**

Hon LEAUPEPE Toleafoa Apulu Faafisi	-	Taitaifono	30/05/2011
Afioga MAUALAIVAO Pat Ah Him	-	Sui Taitaifono	30/05/2011
Afioga AFUALO Wood Uti Salele	-	Sui Usufono	30/05/2011
Afioga TIALAVEA Fea T Seigafolava	-	Sui Usufono	30/05/2011
Hon AEAU Peniamina Leavaiseeta	-	Sui Usufono	24/06/2011
Tofa AVEAU Nikotemo Palamo	-	Sui Usufono	24/06/2011
Tofa FAIMALOTOA Kika I. S. Ah Kau	-	Sui Usufono	20/08/2014

3. TULAFONO TUMAU 174:-

E tusa ai ma aiaiga o le Tulafono Tumau 174 o le a avea ma tiute o le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa le:-

- (a). **Iloiloina o so o se tulafono tau faaofi, talosaga po o so o se isi mataupu ua tuuina atu e le Fono Aoao po o e tusa ai ma Tulafono Tumau; ma Tala Faatatau o Tupe po o le toe iloiloina o le faatinoina o galuega a matagaluega e pei ona tuuina atu i ai e le Komiti o Tupe Maua ma Tupe Totogi;**
- (b). **Suesueina o faiga faavae, pulega ma tupe alu a matagaluega ma faalapotopotoga a le malo po o nisi faalapotopotoga e fesootai oloa gaosia tulaga muamua, mataupu tau pisinisi, alamanuia, leipa ma tagata tafafao maimoa.**

4. TULAFONO TAU FAAOFI NA ILOILOINA:

(Tuuina atu 24/3/2014)

Tulafono Tau Faaofi o Faatulagaga Faaletulafono o Fua o le Mamafa ma Fua Eese o Oloa 2014.

Na iloiloina e le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa le Tulafono Tau Faaofi o Faatulagaga Faaletulafono o Fua o le Mamafa ma Fua Eese o Oloa 2014, e tusa ai ma le Faatonuga na tuuina mai e le Fono Aoao Faaletulafono i le aso 24 Mati 2014.

5. **TAUALUMAGA:**

Na valaauina e le Komiti le mamalu o le atunuu e ala i se faasalalauga faalauaitetele i luga o le Televisi (S.Q.B. TV 1) ma le leitio faasalalau a le Faalapotopotoga o Faasalalauga (2AP) mo ni finagalo faaalua po o ni finagalo tusitusia e faatatau i lenei Tulafono Tau Faaofi. Peitai e leai lava se isi na faaalua sona finagalo pe tuuina mai se finagalo tusitusia e faatatau i lenei Tulafono Tau Faaofi.

Na tapā e le Komiti le fesoasoani a i latou nei a o faagasolo ana iloiloa.

FESOASOANI (T. T. 156)

Ofisa o le Loia Sili:

Constance Tafua Rivers - Loia Tusi Tulafono

Matagaluega o Pisinsi, Alamanuia ma Leipa:

Auelua Samuelu Enari - Ofisa Sili o Pulega

Fepuleai Roger Toleafoa - Ofisa Sili Lagolago o Pulega,
Vaega o Fefaatauaiga Talafeagai

Lealali Ioane - Loia Faufautua

Sosaiete a le Au Gaosi Oloa & Oloa Auina atu i Fafu (SAME):

Tagaloa Eddie Wilson - Peresetene

Papalii Grant Percival - Faufautua

Funefeai Oliva Vaai - Faufautua

Faalapotopotoga o Kamupani Tumaoti (Chamber of Commerce):

Tupai Klaus Junior Stunzer - Peresetene

Ane Lautusi-Moananu - Ofisa Sili o Pulega

Sui o Kamupani – Oloa Siiatoa (Wholesaler):

Patrick K. Chan Mow - Pule Sili
Kamupani – Oloa Siiatoa, Amau.

Sui o Kamupani – Faioloa (Retailer):

Toleafoa Ken Poutoa - Pule Sili
Kamupani – Poutoa.

Matagaluega o Aoga, Taaloga ma Aganuu:

Matafeo Falanaipuu Tanielu Aiafi - Ofisa Sili o Pulega

Doreen Roebeck-Tuala	-	Ofisa Sili Lagolago o Pulega, <i>Mataupu Aoaoina, Tusi Aoga ma Fuataga</i>
Fanuaea Amela Silipa	-	Ofisa Sili Lagolago o Pulega, <i>NARA</i>
Peone Fuimaono	-	Ofisa Sili Lagolago o Pulega, <i>Aganuu</i>
Maimoana Petaia	-	Ofisa Sili Lagolago o Pulega, <i>Faafoga o Aoga</i>
Quandolita Reid-Enari	-	Ofisa Sili Lagolago o Pulega, <i>Faiga Faavae, Fuafuaga ma Iloiloga</i>
Tafaomalo Sione	-	Faatonu o Polokalame Faaleaoaoga, <i>Matematika (Aoga Tulagalua)</i>
Karanita Enari	-	Alii Ofisa, <i>Vaega o Taaloga</i>

Sosaiete Tagata Tomai Faapitoa Tau Inisinia (IPES):

Fui Tupa'i Mau Simanu	-	Resitara/Failautusi
-----------------------	---	---------------------

6. SAILILIGA:-

O le faamoemoe na fausia ai lenei Tulafono, ona o le naunautaiga o le Malo ia mafai ona faagaioi Tulafono i lo latou tulaga aupito sili ona lata mai, ma ausia ai faiga aupito sili ona lelei faava-o-malo. O le agaga foi lea o le tapenaina o lenei Tulafono, ona o le ofi atu o Samoa i le Faalapotopotoga o Fefaatauaiga a le Lalolagi (WTO).

O lalo o le faamalu o lea Faalapotopotoga (WTO), e iai le Maliega e faatatau i aiaiga e faatonutonu ai maketi mo puipuiga o tagata e faaogaina oloa i luga o faiga le talafeagai tau fefaatauaiga, po o tulafono le talafeagai tau fefaatauaiga.

O lenei Tulafono na fausia faapitoa lava mo Samoa, ma ua silia i le tausaga o faatino faatalatalanoaga na aofia faatasi ai ma le Ofisa o le Loia Sili. O se Fauautua Faapitoa mai fafo na auina mai ma auai i le faatalatalanoaina o lenei Tulafono ina ia mautinoa le agaga tonu o le Tulafono.

O sini autu o le Tulafono e aofia ai le;

- atinaeina o se faiga faale-atunuu o fua o mamafa ma fua eseese o oloa ia faalaugatasia ai le faatulagaina o tomai faapitoa faava-o-Malo. E le gata i lea, ae o le a faatino ai foi se faiga ina ia tutusa ai Samoa ma atunuu o le lalolagi i ituaiga fua o mamafa ma fua eseese o oloa aemaise i atunuu ia tatou te feutagai. E le gata la i atunuu o lo o auina mai ai oloa, ae o fefaatauaiga foi i le va o tatou tagata i Samoa nei.

O lenei Tulafono o le a faatulaga ai ia iunite o fua o le mamafa ma fua eseese, ma le suia mai lea o le faiga e faaoga ai nei i le faatesimale (metric). Ua aiaia le faamalosi o le faaogaina o iunite o le faatesimale.

- faagasologa ma le faamaoniga o fua o le mamafa ma fua eseese o mea faigaluega e faaaogaina mo fefaatauaiga. Ua aiaia i le Tulafono le tatau ona faamaonia muamua ia ituaiga fua e faaaoga i pisinisi a o le i faaaogaina mo a latou fefaatauaiga. O lea faiga e aofia ai le faiga o suesuega (test) ma mea faigaluega e faaaoga mo le siakiina o fua. Mo fua uma e faaletonu, e toe auina lava i fafo mo le toe faaleleia (calíbrate) ona o lo o ia i latou le agavaa lea e tau atinae e tatou, a o le aoga lea o le iai o le Tulafono, ua aiaia ma avanoa ai le atinaeina o le tomai lea. I le fesootaiga ma galuega tauave a le Matagaluega, e aofia faatasi ai ma le faatinoina o asiasiga faapea lala sooupu, faatulagaga o fua eseese ma le tuuina i afifi, faamaoniga o asiasiga ma le fetuunaiga o mea faigaluega ma mea faigaluega e faaaoga i fua eseese. I lea tulaga, e mafai ai foi ona silasila i le fesootaiga o le tau ma le mamafa o le oloa, e faaaoga le mamafa e fau ai le tau.
- aso e faamamalu ai le Tulafono ma ona solitulafono e faatino ai faasalaga.

E ui i aiaiga o leni Tulafono mo le faamalosiā o le faiga e faaaoga ai le faatesimale (metric), peitai e talitonu le Komiti e tatau lava ona faaauau le aoaoina i totonu o aoga o faiga e lua (metric & imperial). O le taua o lea tulaga, ina ia maua ai pea le tomai i alo ma fanau mo le lumanai i ia faiga e lua ma faigofie ai ona faatusatusa le eseese i taimi talafeagai e faaaoga ai. Matauina e le Komiti le lagolagoina e le Matagaluega o Aoga o lea fautuaga.

Na fautuaina e le Komiti se faatalatalanoaga i le va o le Matagaluega ma le Matagaluega o Aoga, e soalaupule ai le tele o upu nono ma le vaogagana o lo o faaaoga le Tulafono, mo le tuuina i totonu o le Polokalame a le Matagaluega o Aoga (Curriculum). O se laasaga lelei lea mo le gagana aoaoina i totonu o aoga, ma o le a faigofie ai foi ona malamalama sini na fausia ai leni tulafono. Matauina e le Komiti se taunuuga lelei o lea faatalatalanoaga ma ua avea ai o se sao taua o leni Tulafono mo le Polokalame Tau Aoaoga a le Matagaluega o Aoga.

Matauina foi e le Komiti le talia e nisi o Faalapotopotoga ma Kamupani na mafai ona auai mai i Iloiloga a le Komiti, o aiaiga o leni Tulafono, vagana ai le moomia o se taimi e saga faalauiloa ai aiaiga o le Tulafono mo le latou pitolaau aemaise o le atunuu lautele. Faamaonia mai e le Matagaluega, o lo o iai le isi 6 masina faaopopo e talafeagai tonu ma manaoga ua faaalua.

7. ILOILOGA AUILILI O LE TULAFONO TAU FAAOFI:

I le Iloiloina Auiliili o leni Tulafono Tau Faaofi ua faamalieina le Komiti ma o lo o talafeagai aiaiga uma ua faatulaga mai vagana ai faasaoga ua fautuaina i lalo.

FAASAOGA:

7.1 Fuaiupu 1(1)

Ia aveese le numera 2014 ma suia i le numera 2015 ina ia faitauina ai le Igoa o le Tulafono e faapea:-

**“TULAFONO O FAATULAGAGA FAALETULAFONO O FUA O LE
MAMAFA MA FUA ESEESE O OLOA 2015”**

7.2 Faamatalaga 1 & Faamatalaga 2: (Mo na o le Gagana Samoa)

Ia soloia upu ua taua i lalo mai le Faamatalaga 1 & Faamatalaga 2 o le Tulafono ma suia i upu ua taua i lalo:

Gagana faa-Peretania	Faaliliuga i le taimi nei	Faasaoga mo le faaliliuga
joule	toule	touli
bushel	pusele	posele
deciliter	tekilita	tesilita
hectoliter	ekolita	hetalita
decitex	kesitesi	tesiteki
cubic inches	kupita inisi	inisi kupita

8. IUGAFONO:

I le maea iloiloaina o le Tulafono Tau Faaofi na faaiugafonoina ai e le Komiti e fautuaina le Fono Aoa,

Ina ia faagasolo le Tulafono Tau Faaofi o Faatulagaga Faaletulafono o Fua o le Mamafa ma Fua Eseese o Oloa 2014 faatasi ma Faasaoga.

Hon LEAUPEPE Toleafoa A. Faafisi
TAITAI FONO

MAUALAIVAO Pat Ah Him
SUI TAITAI FONO

Hon. AEAU Peniamina Leavaiseeta
SUI USUFONO

TIALAVEA Fea T. Seigafolava
SUI USUFONO

AFUALO Wood Uti Salele
SUI USUFONO

AVEAU Nikotemo Palamo
SUI USUFONO

FAIMALOTOA Kika Iemaima Stowers
SUI USUFONO